



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Roffensi Et Saresberiensi Episcopis.

**urn:nbn:de:hbz:466:1-20020**

Oxonefordescire villam de Stanton, cum pertinentiis ejus, & in Nordhantonscire Rokingham cum pertinentiis ejus, & villam de Nordhanton, in Devenescire manerium de Keinton & Lefton cum pertinentiis suis, ac manerium de Alrichescote, cum villa de Sloncumbis, & Quenevke cum pertinentiis suis, & civitatem Exoniae, & in Sudhamtonscire manerium de Wlfintonia cum pertinentiis suis, & in Heresfordescire Berchamested, cum toto honore ac pertinentiis ejus, ac in Essex, villam de Waltham cum pertinentiis ejus, & in London, Eya Reginæ, & in Lincolnscire Graham cum pertinentiis suis, & villam de Stamford cum pertinentiis ejus, ac in Glovecestrescire honorem de Berkeleia ac pertinentias ejus, cum omnibus aliis maneriis, villis, & castris que ad dotalitum præfatae Reginæ spectare noscuntur, necnon demania, maneria tua in prædictis comitatibus constituta, de quibus sepefata Regina lanam debet habere, licet omnia prædicta ex alia causa supposita sint sententiae interdicti, propter hoc pari sententia specialiter decernimus alligata, ut in iis omnibus nequam interdicti sententia relaxetur donec super hoc satisficeris competenter, dantes dilatè venerabilibus fratribus nostris Rofensi & Saresberiensi Episcopis nihilominus in præceptis ut ipsis, humana gratia & mundano timore postpositis, præfatam sententiam publicent & faciant sublatio cuiuslibet contradictionis & appellationis obstatculo auctoritate nostra firmiter observari. Quod si nec sic tua poterit durities emolliiri, in te manus nostras fortius curabimus aggravare, sciturus quod quantumcumque te sicut carissimum in Christo filium diligamus, quia tamen in tua salutis dispendium tibi ulterius non credimus deferendum, nulla omittemus penitus ratione quin nostrum officium exequamur donec ad cor rediens super hoc apostolicæ sedi te offeras parituru. Datum Laterani XII. Kal. Februarij, pontificatus nostri anno undecimo.

*ROFFENSI ET SARESBERIENSIS  
Episcopis.*

Liber. 114.  
B. calen. re.

**S**i carissimus in Christo filius noster Johannes Rex Anglorum illustris melius notavisset quantum celsitudini regia haecenus detulerimus in negotio carissimæ in Christo filiæ Berengariæ quondam Anglorum Reginæ illustris, forsitan & ipse nobis, immo ei cuius vicem licet immeriti

gerimus &c. in eandem modum ut in alia usque obseruare, præfato Regi litteras nostras, quas propter hoc eidem dirigimus, exhibentes. Qualiter autem in executione præcepti apostolici processeritis, nobis per litteras vestras curetis fideliter intimare, præceptum nostrum taliter impleturi quod non possitis de negligentiā reprehendi, sed de obedientia potius commendari. Quod si non ambo iis exequendis &c. alter vestrum ea nihilomi exequatur. Datum Laterani &c. ut in alia.

*PRÆPOSITO ET CAPITVLO  
Brivatenſi.*

**C**um dilecti filii S. Ecclesiæ vestræ ac D. venerabilis fratris nostri Claro-montensis Episcopi procuratores ad sedem apostolicam accessissent, & nos eis benignam audientiam dedissemus, procurator ejusdem Episcopi proposuit coram nobis quod cùm Ecclesia veltra in ipsius Episcopi sit diocesi constituta, & ob hoc deberetis eidem tamquam dioeczano vestro in spiritualibus respondere, vos ipsi jura episcopalia penitus subtrahentes, in Ecclesiæ alii ejusdem diocesis, quas ad vos pertinere proponitis, non permittitis ipsum jurisdictionem debitam exercere, procurationem quam idem & prædecessores ipsius ab ipsis Ecclesiis aliquando habuerunt sibi pro vestræ voluntatis arbitrio subtrahendo. Verum procurator Ecclesiæ vestre proposuit ex adverso quod cùm eadem à jurisdictione cuiuslibet præterquam Romani Pontificis penitus sit exempta, sicut per privilegium pia recordationis Calixti Papæ prædecessoris nostri evidenter appetet, non tenebamini ei nec pro capite nec pro membris quæ ad vos pertinent pleno jure in aliquo respondere. Porro pars altera replicavit quod idem privilegium formam privilegij non videret habere, cùm verbum exemptionis non continetur in eo, sed inhibitionis tantum inventiatur insertum, proponens illud nequam suspicione carere, cùm stilum cancellariae nostræ non sapiat, & subscriptionibus Cardinalium non appareat communium, propter quod idem debere carere viribus proponebat, & nullam esse per ipsum præstatam libertatem, attamen etiæ aliquas vires obtineat, licet capiti per illud utcunque tribuatur libertas, membra tamen ab episcopali non eximit potestate, cùm de libertate membrorum nullam expressam faciat mentionem. Vnde asserebat eadem memorato Episcopo esse

*Epiſ. 225.  
De exemplio  
ne corum.  
Vnde inſtr. lib.  
16. Epif. 172.  
73.*